

D. D.  
**CONSECTARIA**  
**ELECTRICO-**  
**MEDICA,**

29.

VENIA

AMPLISSIMÆ FACULTATIS MEDICÆ UPSAL:

SUB PRÆSIDIO

VIRI NOBILISSIMI ATQUE EXPERIENTISSIMI

**DN. DOCT. CAROLI  
LINNÆI,**

SÆ RÆ M:TIS ARCHIATRI, MED. ET BOTAN. PROF.

REG. ET ORD. ACAD. IMPER. MONSPEL. STOCKH.

UPSAL. BEROL. TOL. ET LOND. SOCH,

Nec non

EQUITIS AURATI DE STELLA POLARI.

PRO GRADU DOCTORIS MEDICI OBTINENDO

PUBLICO EXAMINI SUBJICIT

ALUMNUS REGIUS

**PETRRUS ZETZELL,**

*SUDERCOPIA O-GOTHUS.*

IN AUDITORIO CAROL. MAJ. D. XII. OCT.

ANNI MDCCCLIV.

H. A. & P. M. S.

---

UPSALIÆ, Exc. L. M. HOJER, Reg. Acad. Typ.



## D. D.



eminem fugit FR. PIVATI, jurisconsultum venetum, primum fuisse, qui morborum per electricitatem curandorum fecerit pericula: quod institutum tam prospere cessit, ut maximam omnibus moverit admirationem. Literis enim annis MDCCXLVII & XLIX clarus consignavit aucto-  
vim electricam in tubis vitreis balsamo quodam obductis excitatam lenimen adulisse podagræ, ar-  
thritidi, paralysi aliquaque hujusmodi morbis: Im-  
mo, quod singulare plane & inauditum, tradidit  
etiam exempla solutæ alvi, excitati sudoris & mo-  
tæ salivationis, actis tantummodo in motum vi elec-  
trica effluviis medicaminum. Tam mirabilem elec-  
tricitatis virtutem haud multo post novis etiam  
D. JOSEPHUS VERATTI partim confirmavit  
partim auxit experimentis: quibus factis, accidit  
ut cupiditas novam experiundi medicinam omnium  
tere ceperit animos. Paucis igitur post videre li-  
cuit hinc inde per Europam maximi nominis Phy-  
sicos

sicos experimentis hincce occupatos instituendis; at non omnes pari cum successu. Ele<sup>t</sup>risatione sanarunt quidem D. JALLABERT paralysin quan-  
dam brachii; *Nobiliss.* D. DE SAUVAGES hemi-  
plegiam, rheumatismum doloremque i<sup>l</sup>chiadicum;  
ut & D. BIANCHI morbos paralyseos atque rheu-  
matismi: tuere tamen alii, qui frustra omne adhi-  
buerunt studium: immo, ut dicitur, quorum ten-  
tamina infaustos habuere exitus. Hinc tanta orta  
est opinionum varietas atque sermonum, ut quili-  
bet nescius fuerit, quid de nova teneret re sta-  
tueretque.

Hæc erat facies medicinæ electricæ, cum ante triennium primus aggressus est *Celeb. Astron. Prof.*  
D. MART. STRÖMER aliquot inter nos hujus ge-  
neris instituere experimenta. Quorum successu ali-  
quali animadverlo, factum est opera *Nobilissimorum*  
*Virorum D:ni Archiatri ROSEN & D. STRÖMER*,  
ut Ego constitutus sim, qui in novam inquirerem  
medendi rationem. Ita jam per biennium occasio-  
nem habui in variis subiectis & diversis morbis quo-  
tidie per horas aliquot ele<sup>t</sup>ricam in Nolocomio U-  
psalensi experiundi medicinam; qualem vero hanc in-  
venerim, in animo jam mihi est Tecum, B. L., pau-  
cissimis communicare, casibus interea in medium re-  
lictis, donec ephemerides prodeant Upsalentes.

### AMAUROSIS.

In duobus ægris frustra scintillas ex oculorum  
viciniis eductas fuisse; frustra quoque commotio-  
nem adhibitam vidimus electricam, ut vix aliquid  
hoc in morbo de electricitate sperare liceat.

## ARTHRITIS

Ægritudines articulorum animadvertisimus quidem scintillis saepe cessisse electricis; dolendum vero materiam repellit arthriticam, alia intus excitantem mala. Sic crebra animadversione perspeximus, sub utu curæ electricæ, dolores capitis fugaces, vertiginem, nauseam atque tormina ventris ægros afflixisse, quæ incommoda, articulos iterum repetente materia morbi, conquievere. Deprehensi quidem sunt hac sub cura, qui vesicam saepius levare coacti sunt, & quorum corpora nocturno manarunt sudore, unde spes animum subiit longinquitate temporis & utu frequenti malum longe pertinacissimum minui tandem atque molliri posse; verum enim vero post parvam temporis intercapelinem ægros iisdem, ut antea, malis distineri & divelli tristes sumus experti. Non obscurum igitur est materiam arthriticam ictus elusisse electricos.

## CEPHALÆA &amp; HEMICRANIA.

In morbo hoc chronicō, a materia catarrhalis vel rheumatici generis orto, experimenta cum scintillis instituentes animadvertisimus dolorem quidem nonnihil leniri & dissipari; absoluta vero cura, eadem, qua antea, acerbitate urgere: cui incommodo ut occurreremus, simul in ulum vocavimus medicamenta interne sumenda, praescribendo ægris sub usu electricitatis decoctum quoddam sanguinem munificans vel Electuarium purificans Nobil. D:ni Arch. ROSEN, & sic constantiorem nobis praestitit usum medicina hæc externa resolvens.

## CONTRACTURA.

Nonnullis hoc in morbo utilitati fuit electricitas,

citas, ut haud indigna sit, cuius periculum faciant ægri. Quendam enim vidimus per plures annos a materia catarrhali membris captum usu tandem as surrexisse electricitatis, & aliquot baculo jam diu innitentibus ambulationem conspeximus restitutam: immo, mirum dictu, semel videre licuit in contratura quadam genu rheumatica jam quinquenni, membrum, bis tantum electricitate percultum, ad spatum unius palmæ explicatum. In pravitate vero haec articulorum curanda perquam necessarium est diligenter exquirere motus membra deficiente, ut patescat, quinam musculi jam morbo laborent. Illi scintillis, non vero commotione Mischchenbroechiana, convellantur electricis, studiose semper evitando punctiones antagonistarum vi prævalentium. Hi potius vaporis aquæ calidæ per horas aliquot quotidie exponi & tempore intermedio pannis laneis unguento emolliente vel oleo quodam expresso madidis foveri possunt, imponendo hisce dein vesicam, cum lateribus membro adaptatis & calefactis. Observandum vero in malo hoc rheumatici vel arthritici generis, initio curationis implenda esse vasa ægrotantis liquoribus morbo congruis, ne in motum acta materia morbi in nobiliores projiciatur partes.

### COPHOSIS & SYRIGMUS.

Scintillæ electricæ stylo metallico materia per se electrica vestito in meatum deductæ auditorium, irritatione sua solvunt cerumen & purem stagnantem, ut &c., in suaditate a febribus, metastasis digerunt. Quidquid vero in cophosi catarrhali, nativa & quæ ab ære humido nec non in syrigmo efficere vilæ sint, solatium fluxum & evanidum fuit.

EPI-

**EPILEPSIA.**

Epilepsiam hæreditariam, ut & quæ a timore, nec sustulit, nec exacerbavit electricitas.

**FURUNCULUS.**

Scintillæ electricæ digerunt.

**GANGLION.**

In tumoribus hujus generis resolvendis triaca. pta experimenta belle cecidere.

**HYSTERIA.**

Flammulas electricas frustra experiuntur hystericae.

**ISCHIAS.**

Aliis in hoc malo contigit sub usu electricitatis doloris lenimen, confecta curatione recrudescentis; aliis ne quidem hoc boni commodique evenit; aliis prima quidem satis prospera fuere, sed post aliquot dies converla est vis morbi ad intestina, unde ventris tormenta assidua & quam maxime molesta. Sic quomodounque sese res habet, victoria certaminis semper penes morbum.

**ODONTALGIA.**

In odontalgia, quæ dicitur, cariosa, catarrhalis, arthritica & scorbutica, homines numero insignes, etiam gravidæ, igneam hanc experti sunt curam. Plerisque contingit levamen doloris; pauci vero hoc bono diu perfruuntur; redit enim plerumque acerbitas mali vel intra nycthemeron, & jam per aliquot horas in primis vespertinas gravius affligens, sponte dein decedit; vel diebus sequentibus, dolor dentes iterum sed mitius fodit, repetito electricitatis usu profligandus. Circa curam observare licet, quod scintillæ electricæ

Eticæ, mediante stylo metallico, continuo communica-  
ri solent rivulo cum dente afficto, ut tremulus, qui  
sic excitatur, motus æqualis sustineatur usque ad per-  
fectam cessationem doloris.

### OBSTIPATIO.

In obstipatione alvi læpius experimenta repeti-  
vimus Italica, & quidem cum variis haud parvi pon-  
deris pharmacis, e. gr. jalappa, Scammonio & theo;  
at semper oleum & operam vidimus perditam.

### PARALYSIS.

Frustra tam in hemiplegia, quam in paralyfi  
commotionem adhibuimus Lugdunensem; Frustra  
quoque scintillis paralyticos convulsimus musculos;  
tandem vero casu, hinc inde supra paralyticam par-  
tem spatiola invenimus tam sensibilia, ut actio scin-  
tillarum vix tolerari potuerit. Quibus animadversis,  
hæc unice loca scintillis adussimus electricis, & sic  
haud ita pridem in cive upsalensi paralysin quandam  
manus perfecte solutam vidimus. Liceat igitur hoc in  
morbo suspendere judicium, donec ansa detur novum  
repetendi experimentum.

### QVARTANA.

Ex paucis, quæ capere contigit, experimentis,  
nihil certi concludi potest. Bis tamen vidimus mor-  
bum hunc lenitum in periodicas solum tensiones mu-  
tari, etiam semel expugnatas.

### QVOTIDIANA.

Duo solum electricitatem hoc in morbo experti  
funt, qui per totum corpus scintillis percutiebantur  
electricis. In altero febris ad tempus fugata; in alte-  
ro vero vis morbi in tertianam conversa est non sub-  
latam.

Iatam. Dubium igitur electricitas febrium intermit-  
tentium est remedium, nec adhuc satis exploratum.

### RHEUMATISMUS.

Adductum de malo Ischiadico judicium hic et-  
jam valet.

Coronidis loco hisce sequentia subiectere li-  
ceat: 1. In febribus intermittentibus nihil valet com-  
motio electrica. 2. In rheumaticis, arthriticis & si-  
deratoriis morbis rarer sub usu electricitatis est al-  
levatio sine indiciis retrogressus cuiusdam materiæ.  
3. Magna inter morbos sideratorios & rheumaticos  
adest convenientia; vidimus enim rheumatismum  
cum surditate, tremore, decubitu & mobilitate dif-  
ficiili unius ejusdemque lateris, nec non hemiple-  
giam, ubi scintillæ electricæ hinc inde solito majo-  
rem excitarunt dolorem & in qua restituto ad ali-  
quam partem brachii paralytici motui successit ophtal-  
mia, qua frigidis ab ægro repressa, eadem iterum  
cepit brachium imbecillitas. 4. In paralysi quadam  
digitorum annularis & auricularis, semel vidi scin-  
tillarum ex parte affecta educationem non successisse.  
5. Omnibus sub usu electricitatis continuato accidunt  
tarditas alvi & aucta ciborum cupiditas, sine dubio  
ex incremento perspirationis. 6. Eductis scintillis ex  
parotidibus, ut & ex partibus oris internis, in primis  
linguae, augmentur sputa. 7. Si in odontalgia educan-  
tur scintillæ ex stylo metallico nervis portionis duræ  
septimi paris ad auriculam imposito, queruntur ægri  
ad quamlibet emicantem flammulam de acutissima in  
afflito dente punctione, ut bis vidimus. 9. Serpentes  
commotione electrica percussi moriuntur cum sum-  
ma post lethiferum iectum corporis rigiditate.

T A N T U M.